

## **DERONJIC SVJEDOCIO PROTIV MILOSEVICA**

**Author:** [Chris Stephen](#)

Milosevic je optuzio svjedoka da je lagao kako bi mu zauzvrat bila izrecena sto blaza kazna

Slobodan Milosevic je ovog tjedna okrivio jednog svjedoka optuzbe za lazno svjedocenje, tvrdeci da je njegov iskaz izravna posljedica prethodno postignutog dogovora s tuzilastvom.

On je izrazio uverenje da je Miroslav Deronjic (49), koji je na zasebnom sudjenju vec priznao krivicu za planiranje napada na Muslimane u Bosni, pristao da iznese lazne dokaze, a sve u nadi da ce mu zbog toga biti izrecena blaza kazna.

"Imajuci u vidu sporazum koji ste s uredom tuzioca postigli oko umanjjenja kazne . . . vi ste pristali svjedociti protiv onih protiv kojih su oni zeljeli svjedociti", rekao je Milosevic 27. studenoga/novembra. "Tvrdim da je ovaj svjedok dogovor s uredom tuzilastva sklopio kako bi mogao lagati u korist tuzilastva."

Suac Ricard Mej (Richard May) upitao je Deronjica: "Culi ste tezu po kojoj ste vi ovdje dosli kako biste, u skladu s dogovorom koji ste postigli s tuzilastvom, lagali. U pitanju je vrlo teska optuzba. Je li to istina? Ne smatrajte da je ovo uvreda. Radi se o tome da je iznesena optuzba i da bi trebalo da odgovorite na nju."

"To apsolutno nije istina", rekao je Deronjic. "Ja svjedocim jer je moja vlastita zelja bila da svjedocim pred ovim sudom. Ta zelja nema nikakve veze sa sporazumom."

Deronjicev iskaz predstavlja izuzetno vaznu kariku u pokusaju tuzilastva da dokaze kako je Milosevic - buduci da su jedinice iz Srbije, sastavljene od specijalnih snaga i paravojnih formacija, bile poslone u Bosnu s ciljem da pomognu u "etnickom ciscenju" - odgovoran za zlodjela koja su tamo pocinjena.

Deronjic je u to vrijeme bio predsjednik bratunackog kriznog staba, odnosno vlade koja je pocetkom 1992. bila formirana iskljucivo od Srba i koja je zapravo nadzirala proces etnickog ciscenja u citavoj toj oblasti.

Stoga je on imao i sasvim solidan uvid u sve ono sto se dogadjalo u tom dijelu istocne Bosne. S obzirom da je priznao krivicu, on je u prilici ponuditi znacajne podatke, kako o samom obimu etnickog ciscenja, tako i o ucescu jedinica iz Srbije u toj operaciji.

Deronjic je vec priznao da se osjeca krivim zbog toga sto je naredio ciscenje muslimanskog sela Glogovac, u kojem je poginulo 65 ljudi i gdje je veliki broj kuca spaljen, a dzamija srusena.

On je ovog tjedna ponovo potvrdio - svjedoceci sada na sudjenju tadasnjem predsjedniku Srbije - da su jedinice iz sastava Jugoslavenske narodne armije (JNA) presle bosansku granicu kako bi sudjelovale u napadima na niz sela u glogovackom podrucju.

U izjavi dugoj 70 stranica, Deronjic je iznio sve podatke o organiziranju i opremanju lokalnih srpskih jedinica, kao i o samom ciscenju nenaoruzanih Muslimana koje je uslijedilo u proljece 1992.

Deronjic je rekao da je jos 1991. godine, prije pocetka akcije ciscenja, bosanskim Srbima pocelo pristizati

oružje iz Srbije. Ono je bilo camcima prevozeno preko rijeke Drine, koja predstavlja granicu između Srbije i Bosne.

Svjedok je također rekao da je u travnju/aprilu 1992., kada su i otpočele deportacije, u Bratunac pristigla jedinica JNA koja je brojala 102 oklopna vozila. Na njenom je čelu bio izvjesni oficir Reljic, koji je po činu vjerojatno bio kapetan.

Deronjic je također potvrdio da su se tada pojavili i komandosi iz sastava Crvenih beretki. Taj je iskaz neobično važan, budući da je Milosevic osobno - kao tadašnji predsjednik Srbije, preko svog Ministarstva unutrašnjih poslova (MUP) - zapovijedao tim formacijama, dok su nad jedinicama JNA kontrolu imale jugoslavenske institucije.

Svjedok je rekao i da se u to vrijeme sreo i s izvjesnim Predragom Spasojevicem, koji mu je rekao da je pripadnik srpske tajne policije i pokazao mu svoje isprave. Na saslušanju održanom 27. studenoga/novembra, Deronjic je Milosevica optužio i za dolazak dobrovoljaca iz Srbije, koji su također sudjelovali u etničkom čišćenju muslimanskog stanovništva u bratunackoj regiji, u neposrednoj blizini rijeke Drine. "Osobno sam otjerao dobrovoljce iz Bratunca. JNA je odbila to učiniti, tako da sam to učinio sam", rekao je on.

"Vjerojatno ste protjerali neke ljude sa kojima ste sami bili u sukobu", uzvratilo je Milosevic.

Tokom unakrsnog ispitivanja, Milosevic je uporno tvrdio da su vojni planovi bosanskih Srba bili isključivo obrambeni, te da su nastali kao izravna posljedica referendumâ o bosanskoj nezavisnosti, održanog početkom 1992. "Srbi se nisu planirali otcijepiti. Oni su se samo nastojali zaštititi", konstatirao je optuženi.

"Taj plan je podrazumijevao ubijanja i protjerivanja", uzvratilo je Deronjic. "Govorim o početku 1992. godine."

Poslije ostre rasprave, tokom koje je Milosevic često prelazio s jedne teme na drugu, Deronjic je izjavio: "Ispricavam se, časni sude, što stalno vodim računa o tome kako će gospodin Milosevic nastaviti da me ispituje."

U sklopu dogovora koji su postigli sa svjedokom, tužiocima su obećali da za Deronjica neće tražiti zatvorsku kaznu koja bi bila duža od 10 godina.

Chris Stephen je voditelj projekta IWPR-a u Hagu.

**Location:** [Serbia](#)  
[Bosnia and](#)  
[Herzegovina](#)

---

**Source URL:** <https://iwpr.net/sr/global-voices/deronjic-svjedocio-protiv-milosevica>